

10

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

RINSEN-SHOTEN

DEC 2 1954

1 T5418 /2952



滄溟先生集卷之十

濟南李攀龍于鱗撰

七言律詩

答寄聶儀部子安

司馬雄才動帝京當時羣從獨高名  
奏成華省青雲氣賦就仙郎白雪聲  
春色迥分南北望江流不盡古今情  
應憐此意同巖穴千里傳書歷下生

薛子熙以青州使君聘脩郡誌見枉林園尋  
示贈章作此答寄

越客風流問字年登臺把酒白雲天一毛實自河東

下雙鯉兼從海上傳彩筆乍含星野動明珠長對雪  
宮懸已看霸氣前朝盡猶說當時鮑叔賢

病間答許殿卿

病客高齋黯澹生何來一札大梁城夢回滄海風雲  
色春落黃河雨雪聲伏枕自須疑慢世曳裾兼亦似  
逃名可知枚馬元同調誰見千秋出處情

南海歐生自京師遺書于大梁屬許右史爲

致答此

中原才子動相聞誰復高名得似君南海一珠懸北  
斗黃河雙鯉隨青雲城邊五色羊何在臺上千金馬

羣獻賦幾年猶未遇羅浮春思坐氤氳

送魏按察順甫之潞

壺關上黨切雲霄憲府中天插漢標山勢西臨三晉  
險地形東控兩河遙名從出守高郎署策本和戎寵  
聖朝盡道邊閔懸節鉞猶能書札滿漁樵

送崔明府之宿遷

山陽列郡接青徐宿子中開百里居自是燕臺求駿  
馬飄然淮海駕蜚魚是因美政花相似令有文名錦  
不如共理即今明主意憐君指日捧徵書

題李水部恩榮卷

自奉天書出建章 明時誰不羨仙郎  
五雲偏借斑衣色 列宿遙含畫省光  
水部盛名懸楚望 南山佳氣入高堂  
鹿門咫尺龐公宅 那見恩波繞漢陽

送賈明府以徵書入遷

茂宰能名海岱間 更推經術起河汾  
卽論展驥無千里 果爾飛鳧便五雲  
烏府風霜秋正急 黃門供奉日爲羣  
徵書十道求高第 治行誰人不讓君

送郭子坤別駕之廬州

諸生垂白困談經 何似雄飛出漢庭  
客自燕臺知驥足 人從金斗識屏星  
耆閣海外來峰色 大蜀淮西擁

地形匣裏佩刀誰所贈 龍鳴風雨未堪聽

其二

吳楚西南郡 閣重廬江小吏日從容  
濡須不是天河水 霍嶽爭齊紫蓋峰  
京洛仙舟飛似鷁 并州竹馬健如龍  
已知家世多名士 難道明時可易逢

許殿卿擢左史

萬甲襜帷逗主恩 長裾一再歷寒溫  
諸侯賓客梁園盛 帝子官僚相國尊  
誰爲從旁驂駟馬 自應虛左過夷門  
况兼詞賦凌雲氣 漢署風流可更論

九日登樓

白鴈黃花處處秋  
鮑山風雨獨登樓  
忽驚返照湖中出  
轉見孤城水上浮  
多病恰堪成卧隱  
濁醪真足抵窮愁  
先生懶作東籬會  
可但交情老自休

青州志成薛生重枉報別將詣元美作此爲贈

於越諸生稷下來  
梧宮重起讀書臺  
薛君世業推經學  
齊客家傳讓史才  
北海風流天上座  
雲門秋色鏡中開  
菰蘆更有人相問  
爲道登龍御李迴

青州志成贈杜使君

使君經術有餘師  
元凱家傳左氏辭  
東海大風回駟

翰少陽寒色動  
褰帷按圖冠帶還  
千里問俗春秋自  
一時况是郡城常  
下鳳文章兼似羽毛奇

題南海栢臺甘露贈潘侍御二首

繡斧光清瘴海雲  
行臺甘露栢紛紛  
九天驄馬人爭避  
五色神羊氣不羣  
白簡風生偏起粟  
皂囊秋淨總垂文  
侍臣豈讓東方朔  
千載芙蓉奉聖君

其二

蘭臺使者憶長安  
萬里雲霄攬轡看  
忽報三危開玉樹  
誰分雙掌注銅盤  
霜凝合浦明珠出  
風動增城瀑布寒  
清節滿朝君不信  
流光偏綴惠文冠

題潘廷尉留餘堂

前朝知政四留餘，廷尉爲堂取自書。  
潘令官銜猶散騎，于公門第早容車。  
法星傍斗懸高座，佳氣如雲護直廬。  
海內稱平逢此日，主恩先已未應虛。

子與自蘆臺量移瑞州二首

題坐高名漢署來，魚鹽小吏混蘆臺。  
誰憐汝海分符客，自是南皮作賦才。  
老驥霜蹄千里動，佩刀寒色九河開。  
量移休道非知遇，難得君恩一日回。

其二

遙傳雨露一時新，不負漂零戀主身。  
高卧中原堪

有客雄飛爾輩可，無人屏星色動雙龍曙。  
錦水光分五馬春，詩興宦情看並美。  
南州孺子况爲隣。

得元美馮叅政書知王沂州先已失寄

搖落中原伏枕時，故人千里一相思。  
雙魚不滅加餐字，五馬虛傳遣吏辭。  
我在河山終未邈，書來雨雪自堪遲。  
從今把酒登樓處，數子江湖會有期。

答寄敬美

君家鴻鴈滿江干，歲杪逢人一字難。  
白雪似應工伏枕，青山好在重加餐。  
卷中雙玉清相倚，掌上千金笑獨看。  
兩地起居俱不惡，風塵回首任漫漫。

寄題元美藏經閣

岩堯飛閣太湖傍有客繙經日蒲牀白馬尚留霜練  
影彩毫應帶雨花香當年張掾生秋興何處支公坐  
道場君自風流兼二子吳門極目正茫茫

送歐文學之江都

雨雪寒燈對濁醪蕭然似是一儒曹下帷國士堪華  
髮草檄門生自彩毫雙峽迥分滄海氣孤城秋壯廣  
陵濤文星雖小人爭識南斗常臨劍影高

寄張幼于

吳門風雨洞庭陰上客常開子墨林劍閣自題名更

起鱸魚一憶興何深古今不改中原色南北相看萬  
里心愧我驚人無俊句勞君寫入二龍吟

白雪樓寄懷徐使君兼呈元美

木落清河入檻流平陵月出照牀頭開樽自動青雲  
色掩卷俱含白雪愁南國佳人能命駕中原病客此  
登樓從他不淺山陰興遠道無因報子猷

秋日寄懷元美兼呈徐吳二使君

十載江湖白露寒因君萬里憶長安故人相向中原  
老秋色何如畫省看邵武功名非不佞汝陽經術雅  
能官即今垂作漂零客可道音書日轉難

寄題况吉甫藥湖別業在荷山下

湖上高齋萬木齊白雲長在楚天西  
落霞一散燒丹火秋水遙通濯錦溪  
伏枕白來詩不廢扁舟誰爲酒同攜  
南峰盡作蓮花色曾是王喬隱道棲

答寄余德甫

二月鴻書發豫章到來春興日能長  
宦情轉借中山篋詩句猶含右省香  
海內故人元落落江南秋色正蒼蒼  
遙知相憶登高處更過陶家醉不妨

寄謝俞仲蔚寫華山圖

雲臺隱者二茅龍曾道裨仙自可逢  
忽爾畫圖開萬

里居然秋色在三峰貪看塞外黃河下  
坐失關門紫氣重况復題詩如謝眺  
當年却恨不相從

奉贈杜使君寄上太翁八十壽

越徼春生戲綵天風沆耆舊楚先賢  
青州五馬分符日渭水非熊入夢年  
一自趨庭經術就還應託乘帝恩懸  
節今南極長朝斗並照明珠北海邊

秋夜白雪樓贈周公瑕

日落風清竹樹林一樽飛閣敞秋陰  
纔逢狗監人先老能到龍門客自深  
海上共懸明月夢山中堪贈白雲心  
陽春寡和休言誤此夕因君作楚吟



登華不注山送公瑕

鴻鴈高飛木葉丹  
逍遙臺上一憑闌  
浮雲不動孤峯起  
落日長臨二水寒  
多病故人書未達  
中原秋色醉相看  
預愁匹練江南道  
極目吳門駐馬難

題周天球小象

落魄吳門五十春  
嬾從高閣畫麒麟  
此中墨客爭知妙  
何處詞人更有真  
白眼自宜置立壑  
紅顏元不染風塵  
東墻休挂喬家女  
夜恐周郎作後身

贈吳人梁辰魚

迢遙岱嶽海漫漫  
秋興如君未易闌  
三觀雲霞天上

坐蓬萊宮闕掌中看  
纔探綠綺陽春動  
一說干將紫氣寒  
詞客吳門誰不羨  
王家兄弟雅盤桓

寄謝許左史刊倡和集

平臺左史寄相思  
開卷風流見往時  
已自游梁詞賦長  
翻因御李姓名疑  
玄經竟爲何人出  
郢調除非和客知  
君有明珠堪照乘  
更煩清影及茅茨

舜祠哭臨大雪

雨雪號天慘曙暉  
君王千載一垂衣  
廷中左鉞將軍出  
海上樓船使者歸  
紫氣不隨江漢轉  
白雲還傍薊門飛  
孤臣賸有蒼梧淚  
逐客瀟湘在亦稀

答寄子與時自蘆臺移瑞州按察山東

北風飛雪擁南奔苦向綈袍掩淚痕  
病客世疑中散傲故人官起外臺尊  
尺書萬里存交誼一歲三遷見主恩  
月出登樓如匹練每依吳觀望吳門

於白雪樓送襲生入貢

樓上春陰動曉寒  
薊門千里入憑闌  
別來白雪還誰和  
老去青雲好自看  
天子今逢新禹貢  
諸生不改舊周官  
臨軒若問羊裘客  
莫道江湖有釣竿

杜青州按察楚中

東方千騎古諸侯  
憲府新開大楚秋  
北海清風猶滿

座武昌明月更登樓  
五雲過郢朝佳氣三峽吞江擁  
上游此地功名誰得似  
君家元凱自荊州

寄別元美

誰憐伏闕上書還  
國士銜冤動帝顏  
殺氣始應高碣石  
飛霜猶自滿燕山  
風塵雙淚綈袍盡  
湖海扁舟白髮閒  
却念十年攜手地  
不知春色在吳關

答元美山東道中見寄

飛來尺素九河陰  
報道春光滿上林  
游子自矜年少好  
故人無恙歲寒心  
即今病借青雲起  
何用詩傳白雪音  
處士一星依帝座  
兩朝誰似主恩深

答元美廣川道中見寄

檄書遙借薊門看，只尺平原一笑難。  
便道何妨留作客，他家惟願起爲官。  
雙龍夜敞星文動，匹馬秋深嶽影寒。  
杯酒可知公子意，空懸十日布衣歡。

答王敬美廣川道中見懷

薊門秋色夢中偏，二子乘舟下廣川。  
食客未應常在趙，酒人誰復並遊燕。  
心知老驥元千里，目送歸鴻自一天。  
已分蓬蒿能興盡，壚頭春酒却堪憐。

答寄俞仲蔚兼呈元美時不果枉因有末句  
濁酒新開綠綺鳴，白雲湖上掩柴荆。  
興來陶令還辭

社老去龐公不入城，一疏中原高病色。  
千秋吾黨見詩名，故人徑作書相別。  
握手看君負此生。

寄懷子與

白雲愁色滿秋天，海上離心鴈影懸。  
那堪對酒書相憶，况復登樓月正圓。  
自爾一攜龍劍合，何人更問鷓鴣冠。  
篇莫言十日平原飲，不是王孫得意年。

殷洗馬誕子值今上登極日

詞臣三命侍經筵，聖主龍飛薊北天。  
珠借星辰堪並出，弧隨日月更新懸。  
一毛深照銜圖夜，千里長懷托乘年。  
共訝玉堂分氣色，兼城重喜得藍田。

寄賀天官殷少宰

十載詞林供奉中  
史才經術並稱雄  
恭承三命銅龍署  
兼典諸儒白虎通  
要地持衡當北斗  
清聲曳履入南宮  
猶言紫極氤氳處  
非復文昌八座同

答寄劉子威侍御

二首

吳客檄書問轉蓬  
姑蘇臺上起秋風  
七星已佩干將劍  
五色還乘鮑氏驄  
江海雙懸精自合  
陽春一曲步逾工  
只今曾照西施月  
多少娥眉畫不同

其二

憶昔風雲滿帝鄉  
同時射策向明光  
一毛宛在中書

日匹練遙飛御史霜  
北海清尊開岱色  
西京綵筆照河梁  
非君尺素三江下  
爭得秋聲入鴈行

顧中翰祭告德衡二藩兼有事沂山東海

聖主新恩北極開  
侍臣銜命出燕臺  
三齊茅土星潢近  
二國松楸雨露回  
百丈自天垂瀑布  
五雲佳氣接蓬萊  
俱言海嶽遊偏壯  
爲有王褒作頌才

送郭使君解郡暫還豫章詩有序

公之難去郡百姓  
郡百姓之難去公  
猶之免赤子於懷也  
斯古遺愛焉不獲乎  
上民不得而治矣  
不曰直道而事人焉  
徃而不

三黜哉惟是

帝命維新舜有天下選臯陶於衆危言危  
行是以論其世也重選而厚望之相與以  
成其後者乎

春風解郡豫章還已報徵車起漢關儘恠雙龍高紫  
氣何妨五馬照朱顏門人榻自南州下座客樽應北  
海閑似是 朝廷知借寇先開書篋慰中山

送都轉運劉使君還萬安有序 二首

使君之在西省與僕甚驩久不聞問轉運  
山東時某杜門十載矣哀宗梁之悠邈憾

王徐之常勤抵掌於同舍之役也使君司  
寇世家仲氏入拜九卿季子出二大郡是  
稱難兄再領國課厥聲卓然尋以舊守常  
德誤中掇拾當路惜焉顧使君之在西省  
不少假一冢宰掾卽風采可知矣

使君漕輓二東回 天子全齊外府開海王至今餘  
伯氣大風千古見雄才魚梁忽落雙江水白石遙分  
萬里臺更廣絕交成妙論可無人識孝標來

其二

十年西署結交驩別後雲霄尺素難郡接荆衡分岳

牧場開海岱領鹽官五溪誤見明珠拾千里誰將老  
驥看莫道賜環非近事新懸白日照長安

答元美吳門邂逅于鱗有贈

四首

姑蘇城上倚高臺却望中原酒一杯彼自有人浮海  
去我今爲客渡江來飛龍忽報干將合老驥遠驚匹  
練開共向風雲論二子誰知天地此徘徊

其二

徵君巖穴雅能深出處人間總陸沉流水乍含鍾子  
調浮雲不繫邴生心關門紫氣長來往海上青山更  
古今世事彈冠難自料風塵容易是抽簪

其三

萬里風雲北極生中原二子舊齊名居然霄漢雙封  
事自是江湖一宦情天借客星高物色歌回春雪壯  
潮聲何妨邂逅成佳會正復相思命駕行

其四

雪滿江城醉色寒蕭條春興入彈冠自憐滄海雙珠  
合誰作青雲一鶚看日月祇銷高伏枕風塵何事老  
投竿豈宜梅福吳門在共說先朝吏隱難

過嚴陵

嚴陵物色動新年解纜春回七里船繡領更宜殘雪

映釣臺高並客星懸灘聲乍合三江壯山勢遙臨百  
越偏此日青陽瞻帝座羊裘深愧昔人賢

題候濤山觀音寺寺徙自落迦

落迦山上古祇林白馬西來峽口深月出爾時樓閣  
影風還如是海潮音若非鸚鵡元能語誰解蓮花不  
染心五十三員知識盡可勞踪跡問浮沈

大閱兵海上四首

使者乘輶大閱兵千艘並集甬句城騰裝殺氣三江  
合吹角長風萬里生帳擁樓臺天上坐陣回魚鳥鏡  
中行不知誰校昆池戰橫海空傳漢將名

其二

戈船諸校錦征袍水戰當場命客豪萬櫓軍聲開  
嶼千檣陣影壓波濤赤城深泛旌旗動射的遙銜竹  
箭高東海便應銅柱起何妨馬援是吾曹

其三

列艦如城積水前援枹擁棹出行邊桔槔氣迸流烏  
火組練光搖太白天鵝鶴一呼風雨集鼉鼉雙又駕斗  
牛懸即今萬國梯航日並識君恩浩蕩年

其四

新開帷幄控朝宗萬里波臣老折衝海氣抱三遙似

海濱集 卷之十 一四一  
馬陣雲含越總如龍中流鼓應潮聲疊下瀨戈迴日  
影重自有長纓堪報 主誰言白雉竟難逢

元美起家按察河南寄促之官

莫道漁樵計已安 主恩堪爲一彈冠足知上國羣  
公疏猶作中原二子看虎觀迥連嵩少起龍門高倚  
大江寒與君聊玩人間世明日抽簪未是難

答贈王給事

漢帝風流盛栢梁一時才子羨爲郎歸來東海桃三  
孰諫罷金門草數行調籍祇今人欲盡除書何意客  
相忘黃公雖道商巖起家本鄞山是故鄉

孤山吟社得菲字同子與賦

西陵樹色滉斜暉一片仙舟拂練飛三竺漸從天上  
落二峯高入雨中微人今湖海開詩社客自雲霄奉  
禁闈綵筆如花誰不羨敢將春興鬪芳菲

靈隱寺同吳馬二公作

武林臺殿敞諸天建自咸和第幾年纔到上方雙澗  
合飛來何處一峰懸梵音動雜江潮轉燈影長含海  
日傳所以龍宮稱絕勝驪珠交映使君前

和馬侍御賦得飛來雙白鶴

三花珠樹五雲開海上雙飛白鶴來借問分行棲玉



署何如對舞映霜臺月明華表聯翩起雪滿緱山並  
駕回萬里只今誰比翼仙禽原自不羣才

和馬丈見送巡海之作

樓船遙指越王城萬里波濤按部行門下有人惟說  
劍江南何處不談兵長纓我媿山東妙銅柱君懸海  
外名忽訝天台霞色起開槭彩筆更縱橫

煙霞嶺

煙霞不隔洞天遙佛影千巖散寂寥絕壁倒銜滄海  
照一峯高映赤城標白雲家在時堪駐紫氣山深夜  
白朝莫被藤蘿迷出入相逢終日少漁樵

董生寫四子圖

客星遙犯洛陽宮帝座雲臺路已通君自一毛求駿  
馬我將雙眼送歸鴻青萍交映千秋色玉樹長含萬  
里風不是弟兄江海上誰堪綵筆與爭雄

九里松圖爲馬侍御作二首

三天嘉樹儼成行下接枌榆卽故鄉遠勢不隨雙澗  
盡層陰並落二峯長葉棲金掌仙人露幹挺烏臺御  
史霜孔雀東飛煩再顧欲從威鳳託清光

其二

林佳氣日蕭蕭夾道長松入望遙黛色總疑天日

雨寒聲不辨浙江潮含淒風自枯鱗起倒影雲隨偃  
蓋飄非值有心同竹箭懸蘿爭敢附高標

按察李公誕子公蜀人先以中書舍人爲御  
史

高才染翰五雲中復道登車攬轡同雛有一毛殊是  
鳳駒無千里不爲驄名烏業已承家學字大文堪並  
國工君自蜀人楊馬在同鄉奕葉播清風

贈李封君兼訊長君進士

五陵羣少各賢豪客有能詩調獨高受業不隨秦博  
士爲文無害漢功曹十年我輩慚龍卧萬里君家起

鳳毛江左衣冠堪此地美名如昨照同袍

高光州孤山精舍

白雲不散一山孤地主人稱楚大夫老作西陵詩社  
長可攜南部酒家胡囊餘太古雙龍劍壁有行春五  
馬圖汝賴過逢遺事在高陽似此聚星無

答襲茂才

中原相望兩漫漫傲吏重彈柱後冠不盡青雲東嶽  
起飛來白雪大江寒人今雨別千年事君自風流二  
仲看若問嚴陵灘上月小清河北照漁干

毛封君

公家安在薊門城出入漁陽結客行經學並驅韓太  
傳辭華脫頰趙先生丈人不作雄邊老令子還高秉  
憲名此日衣冠看甚偉也知黃綺負餘情

和吳太常南樓烟雨之作

南樓迢迢俯丹梯烟雨蕭條拂檻低越徼層陰千里  
合吳門春樹萬家迷江流欲動帆檣外山色纔分睥  
睨西一自不齋多暇日新詩誰與醉同題

送周給事還朝二首

才子先朝侍從年東山一卧主恩偏彈冠便借風  
雲起補袞新看日月懸疏動龍鱗成五色名聯騎省

朕羣賢當時諫獵還誰在聞道長楊賦已傳

其二

纔疑仙吏在人間萬里乘風復漢關三殿不綠春色  
滿五雲爭識歲星還朝陽更王清華氣金馬依然供  
奉班未許陸沈如昔日須居持論答天顏

送勞少參提學蜀中

分藩吳越氣雄哉人自南宮出上台一抱連城明月  
滿還看三峽使星來錦江波動詞塲色劍閣高臨憲  
府開聖主賢臣今日事王褒門下本奇才

汪中丞臺火救者獨以劍出彈鋏而歌和以

相弔

中丞臺火照閩方客有千金劍一裝賴是龍蛇先自  
起忽然風雨爲深藏逃形疑入延津水厭影猶含北  
斗光報國片心還獨在逾看鱗甲動冰霜

爲南海鍾侍御題金臺遙祝卷二首

游子承恩出禁闈高堂華髮照春暉潘輿自不隨驄  
馬萊綵何妨舞繡衣江鯉一從天上寄臺烏長繞日  
南飛即今婺女遙相望柱史星光近太微

其二

冰霜不厭北堂清冠指神羊海上城戀闕未須將毋

疏倚門元自望君情家傳五字推承學朝擁三臺起  
令名驄馬更便千里駿還鄉實切斷機聲

送張閩使黔中

虎臣推轂滿長安吳越當朝閩外難君自雅歌稱坐  
鎮人疑漢將不登壇江潮常借軍聲壯海氣遙臨陣  
影寒滇水一珠堪照夜誰憐蕙苴竟同看

贈海憲蔡公開府

橫海今時領外臺書生謾說請纓來霜威瘴癘三山  
盡殺氣波濤萬里開攬轡本朝元楚望談兵當代一  
邊才 朝廷近有留中疏柱史星光切上台

送陸從事赴遼陽

御苑東風吹客過，共看芳草有離珂。  
西山晴雪鴻邊盡，北海春雲馬上多。  
地險時窺玄菟郡，天驕夜遁白狼河。  
知君幕下參高畫，諸將何時議止戈。

滄溟先生集卷之十一

濟南李攀龍于鱗撰

七言律詩

與子與游保叔塔同賦

山有落星石二峯

古塔松臺對寂寥，高齋斜日傍漁樵。  
金牛忽見湖中影，鐵騎初回海上潮。  
更倚連城明月動，並攜雙劍落星搖。  
若非賦有凌雲氣，筆底天花可自飄。

郭吏部請急歸吳稱壽封君太宜人

水鏡清光滿薊門，庭闈雙映一寒溫。  
角巾入洛名元重，裘褐依梁道並尊。  
白首更偕吳市隱，青雲再奉漢

宮息還朝益妙題才術湖海微言可具論

武太常貞母太常是遺腹子

令子清標領太常持衡東省舊為郎才因藻鏡知秋水胎本明珠產夜光天上旌旂懸日月人間竹帛映冰霜雖然燕趙多奇士已讓高風在北堂

戲擬王安人稱壽郭相國相國嘗為盧江別

駕

南山高唱入新題曲罷蛾眉玉盃齊秦史自偕嬴氏女廬江誰憶仲卿妻雙飛青鳥披雲下並帝蟠桃帶雪攜何必千金稱上壽嫣然一笑醉如泥

秋前夜過崑山寄仲蔚時元美兄弟俱就徵車

有客中原回白頭懷人千里命扁舟吳門山色元非雨婁子江聲似是秋二友鴈行堪入洛惟君龍卧不依劉也知傾蓋須臾事一日檄書即舊游

上朱大司空

二首

重華冀北再開天益佐山林涉大川四岳受成方貢日三邊仰給縣官年黃金不及隄形壯白馬長隨練影懸轉自流言能悟主老臣知遇兩朝偏

其二

河隄使者大司空兼領中丞節制同轉餉千年軍國  
壯朝宗萬里 帝圖雄春流無恙桃花水秋色依然  
瓠子宮太史但裁溝洫志丈人何城漢臣風

和子與過訪平原道中值雪二首時按察楚

中

九河風色報褰帷道入平原雨雪遲天欲並傳梁苑  
賦君今試和郢中詞憑陵尺素光猶動縹緲扁舟興  
可知况值如澗春酒熟好來投轄未須疑

其二

平原日映北風斜飛雪偏隨刺史車明月更投公子

邑金門何處侍臣家綈袍忽自生春色彩翰紛然擁  
落花為報袁安高卧起齊宮上客有田巴

送徐子與之武昌

二首

使君安在武昌城江漢雙懸憲府清共許登高能作  
賦不妨乘暇一論兵修然白雪千人和颯爾雄風萬  
里生更憶南樓明月好欲攜佳興與縱橫

其二

刺史樓臺望裏重是時門客羨登龍白雲三署還堪  
起黃鵠千秋更可逢象合星辰雙執法心隨江漢一  
朝宗二天尊寵諸侯上出處何論邴曼容

皇太子冊立入賀

燕臺依舊鬱相望玉樹金莖是帝鄉鳳闕雙懸雲  
五色龍樓交映日重光九天氣王旌旗動三殿風清  
劍佩長伏謁不違顏只尺十年西省愧爲郎

江上贈郭第歐大任

元年飛雪度維揚此日秋風復故鄉總爲郭君紆綵  
纜况逢歐冶說干將回看京口孤城轉坐擁江流萬  
里長以爾相從諸子後新知得似丈人狂

吳使君自邵武之高州二首

先朝五子結交情一日青雲滿鳳城漢主憐才金作

署楚臣能賦玉爲名已應龍自延津起那更珠還合  
浦生直置壯游消不得纔兼遷客重縱橫

其二

中原五馬日駢駢嶺外翻傳俗吏稀逐客也須常作  
好使君安見遠游非庶無疾病堪乘輿况有登臨可  
當歸漂泊秋風同一葉幾時還向洛城飛

早春元美自大名見在齊河

時元美代  
余浙中

如此春醪醉莫辭中原攜手卽佳期何人命駕能千  
里與爾彈冠又一時嶽雪故應回足練江潮今復借  
褰帷比來慷慨悲歌地河朔風流更有誰



送王侍御按貴陽

中原遙入楚天長，道出盤江古夜郎。  
自許鐵冠衝瘴癘，兼携白筆掃風霜。  
百蠻擁節開雄鎮，萬里登車擊大荒。  
莫說壯遊非妙選，同時八彥避鵷行。

和梁憲使過密蒙天仙宮白松

是皇帝葬三女處

孤根一託蕊珠宮，不與茗華粉黛同。  
夜暗龍鱗銜自照，天清鶴影望來空。  
修封姑射千秋雪，蓋擁蘭臺萬里風。  
非爲子雲能作賦，誰知王樹本青蔥。

其二

軒轅宮裏試新妝，縹緲連枝入帝鄉。  
玉骨不緣能化

石冰肌，那得便生香。只愁明月銷爲水，更恐清陰凝作霜。  
巫峽瑤姬，元素質，却令雲雨污衣裳。

其三

玉女窓前手自栽，遙分海色向蓬萊。  
唯應七聖襄城過，曾見三花少室開。  
地迥流光通粉署，天寒老幹倚霜臺。  
懸知的有千年露，欲獻須君作賦才。

答寄用晦王孫

二首

江上傳書錦字斜，于時飛雪映瑤華。  
誰携雄劍非豐獄，但出名駒即漢家。  
春色自憐彭澤柳，美人相怨武陵花。  
三年未報平安使，長日心懸萬里槎。

其二

豫章城上有高樓樓下長江二水流君更紅顏雄製  
作誰同清夜美遨遊陽春若許千人和明月何須萬  
里投不信祇今求自試詞場可但少應劉

答寄元美

飛書茗水報王孫杯底黃河似酒渾已讓五湖相代  
長敢臨中嶽自言尊人無西子堪同載客有如姬不  
負恩蕭索三餘回王氣風塵非復古夷門

寄懷蒲圻魏順甫

三首

赤壁黃磯錦不如故人家傍武昌居蒲生太守裁鞭

起鱸魚一憶興何深古今不改中原色南北相看萬  
里心愧我驚人無俊句勞君寫人二龍吟

白雪樓寄懷徐使君兼呈元美

木落清河入檻流平陵月出照牀頭開樽自動青雲  
色掩卷俱含白雪愁南國佳人能命駕中原病客此  
登樓從他不淺山陰興遠道無因報子猷

秋日寄懷元美兼呈徐吳二使君

十載江湖白露寒因君萬里憶長安故人相向中原  
老秋色何如畫省看邵武功名非不佞汝陽經術雅  
能官即今垂作漂零客可道音書日轉難

寄題况吉甫藥胡別業在荷山下

湖上高齋萬木齊  
白雲長在楚天西  
落霞一散燒丹火  
秋水遙通濯錦溪  
伏枕自來詩不廢  
扁舟誰爲酒同携  
南峰盡作蓮花色  
曾是王喬隱道棲

答寄余德甫

二月鴻書發豫章  
到來春興日能長  
宦情轉借中山篋  
詩句猶含右省香  
海內故人元落落  
江南秋色正蒼蒼  
遙知相憶登高處  
更過陶家醉不妨

寄謝愈仲蔚寫華山圖

雲臺隱者三茅龍  
魚道神仙自可逢  
忽爾畫圖開萬

地雙鳧飛去復何年  
誰言官合談兵起  
爾已名從作賦傳  
父老未須窺露冕  
何人不識使君賢

贈劉將軍

憶醉卿家春草芳  
征軺信宿向漁陽  
行間舊識千夫長  
轂下新推六郡良  
白馬從軍明月塞  
黃金結客少年場  
何時更出追驕虜  
策爾持纓請建章

送羅大叅之任山西

二首

鴈門句注九關通  
地接燕山帝業雄  
使者汎舟從絳水  
將軍轉餉入雲中  
分藩忽壯朝廷色  
開府深懸保障功  
晉國莫強兵馬地  
股肱何但數河東

其二

文部風流入奏年諸郎誰不讓朝天五雲忽映檐帷  
動雙轄重臨水鏡懸色借綈袍堪病起詩更藻筆已  
名傳故人剩有河山在二子相逢海岱前

五言排律

送固始申明府還縣

百里弦歌邑春風獨在茲旋歸瞻日遠留借見天私  
復送仙鳧去言趨竹馬期渡河蠶月早行縣麥秋遲  
楚國先賢傳梁園上客詞知君才不忝遙以慰相思

送李太守之東昌

諸侯辭北極千騎向東方十二稱天府風煙接帝鄉  
地形來海岱漕輓自徐揚春滿弦歌邑花明太守章  
射書延上客照乘得高唐寇息解刀劍人和下鳳凰  
軒帷塞雨雪郡閣卧星霜治行兼經術諸曹借寵光

送宋宇少府之蒲城

別離有楊柳折贈擬琅玕古道千人失時才一尉難  
清秋開少府紫氣指長安梅福稱仙仕蒲城得吏歡  
河聲公檄靜嶽色訟庭寒鴻鴈雲中出芙蓉月下看  
三秦至豪傑兩漢數衣冠馮翊今遺邑何輕佐幕官

答謝茂秦遊盤山詩

愛爾躋攀處。竒踪滿報章。山盤元氣出。寺抱翠微藏。  
拂石搖天影。披花帶雨香。千峯回白首。萬壑步清霜。  
謁月關榆墮。旌旗塞草長。陰風來太漠。秋日下漁陽。  
海色秦城外。邊聲漢苑旁。欲因臨望代。遂得紀金湯。

送楊給事河南召募

醜虜休南牧。朝廷議北征。幄中新授律。天下大徵兵。  
使者持符出。君推抗疏名。黃金秋突兀。白羽日縱橫。  
嶽雪二花秀。河水萬馬行。將軍邀劇孟。公子得侯嬴。  
屠販多豪傑。風塵鬱戰爭。有呼皆左袒。無役不先鳴。  
寧久燕山戍。終期瀚海清。過梁投賦筆。更爲請長纓。

送林章之郎中讞獄南海

舊識于公傳。新知陸賈才。漢章雙鳳下。越郡五羊開。  
旌節看山駐。樓船截海來。長安天北望。使者日南回。  
訟府蒲堪挂。刑書竹可裁。明珠滿合浦。應照不然灰。

送祠部莫郎中貴州提學

薊門一相送。楊柳不堪攀。亦是文章地。寧虛供奉班。  
西南天欲盡。羌祚日多艱。鼓棹過三楚。傳經到百蠻。  
春雲蒸赤水。秋雨瘴青山。早就中和頌。諸生憶漢關。

題歐職方鵝山泉高齋

聞君讀書處。乃在薊山阿。水色開窓檻。泉聲散薜蘿。

澆溪集 卷之十一  
濯纓秋雨至把釣夕陽多白壁澆田出寒流沒羽過  
風塵無燕息賓客有羊何一自從王事空爲勞者歌

集元美宅送汝思吳峻伯袁履善三比部

別賦吾能作還銷客子魂上林又黃鳥何處此青樽  
帝念徵兵日人銜祝網恩星榆散使者春草待王孫  
于役分江徼相思共薊門風塵異南北莫向鴈書論  
賦得邊馬有歸心

飛將驅天廐乘秋踏大荒三軍呼驃騎一戰蹶名王  
急難才堪老橫行勢可當嘶聲悲漢月顧影淨胡霜  
總轡陰山上鳴鑣瀚海旁何如春草色躑躅向長楊

得殿卿書無寄張簡秀才

久客踈歸計吾徒足醉眠風塵猶逆旅服食豈神仙  
老母須微祿郎官亦冗員時名非我意詩句衆人傳  
雞肋堪誰棄蛾眉幸自全羈情驚歲晚法署向秋懸  
竊笑吹竽濫深慙抱甕賢青雲浮世外白眼貴游前  
流俗終違性佯狂始入玄所甘才太拙敢望病相憐  
寄字存加飯興言問着鞭支離如昨日飛動異當年  
直覲亡胡虜殷憂切御筵逐臣收佩玦大將與兵權  
報主謀安出和戎議已偏乘輿空汗血錦繡被腥羶  
帷幄今何事京師未晏然乾坤多壘後仕宦畏途邊

海岱生瑤草朋從拾紫烟伊余方物役回首薊門天  
七夕集元美宅送茂秦

祖席陳瓜果征衣理薜蘿雲邊看露掌花裏出星河  
仙吏揮金椀佳人罷錦梭新知天上少秀句鄴中多  
踈拙時名棄歡娛虜騎過秋風吹鬢髮落日渡滹沱  
七首荆卿贈刀頭桂客歌明年見牛女能不憶羊何

碧雲寺

飛塔標龍藏長橋挂虎溪五王開壯麗二梵樹菩提  
淨土黃金布香臺碧漢齊經過初地變徙倚上方迷  
杖底籠清磬崖間散御題屢疑窮紺宇復道出丹梯

天樂蓬萊近祇林日月低水流僧舍下雲起佛堂西  
深愧雕蟲技難同怖鴿棲慈燈懸廣劫處處得摩尼

香山寺

往時占紫氣馬上看香鑪不是尋幽到其如發與孤  
迴標臨北極秀色攬西湖樹杪諸天出階前衆壑趨  
花臺騫地起風鐸蔽簷呼月抱蟾蜍石星搖舍利珠  
土毫侵瀑水金相湧浮屠妙偈傳從竺高僧至自胡  
法輪皆帝力下界復神都行幸當年事人王握大符  
經華嚴廢寺爲虜火所燒

醜虜殊猖獗諸僧坐播遷無方超寐滅有地入烽烟

境壞秋原上門空暮雨邊虛聞金作粟真見火生蓮  
星影疑纓綴雲光學蓋懸焚身香象泣照鉢燭龍然  
莫辨沉灰劫猶傳喫酒天至今餘淨土不復一燈傳  
人日同元美子與公實集子相宅得寒字  
年華開此宴春色又長安得日人相勞披雲客共歡  
貼屏皆綵勝佐酒尚辛盤北鴈先花發西山過雪看  
文章投壁盡心事斷金寒不但蕭朱輩論交自古難

初春 四首

物色看如昨愁時獨不醒春陰含雨白日氣宿霾青  
國士紆三表王師壓二庭獻俘當祖社制勝本朝廷

使者行飛輓將軍議勒銘誰憐劉子駿心事有傳經

其二

橫海樓船下平胡羽檄飛五雲高王氣三殿敞春暉  
卜相敷文命徵兵出武威風塵終混合日月此瞻依  
薄宦無工拙浮名有是非陸沈吾豈敢踈懶世人違

其三

使者歸朝疏將軍捕虜才乾坤百越震烽燧九邊來  
國步艱難過天顏駘蕩開紫宮春窈窕華省日徘徊  
白石飯牛客黃金圖駿臺終看成遇合未可怨無媒

其四



滄海集 卷之十一  
三  
薊北看春色羈情坐鬱然官猶膠柱在名豈濫竽傳  
汨沒終何事文章自有權薄遊多難後知己衆人前  
踈拙容高枕風雲讓著鞭客嘲安用解執戟至今憐

五日同子相遊天寧寺

四海携名士彌天得上方綵絲還令節白馬自開皇  
揮拂靈花裏攤經祇樹傍燈輪侵日出塔影入雲藏  
浮土殊幽事清齋復妙香幻知看綬冕靜欲厭詞章  
薜荔來風雨杉松接渺茫人間空競渡未解問慈航

立春日示子與

舊游離別盡病客尚文園此地看春色唯君大雅存

揮毫當北斗握手向中原夙昔爲郎意平生知己恩  
紫氣臨燕塞青山擁薊門豫愁分袂日花裏倒芳樽

燕京篇

燕京豪俠地杯酒爲君陳雙闕西山下諸陵北海濱  
薊門行雨雪黍谷變陽春騶衍初臨碣荆軻故入秦  
黃金來駿馬白璧售佳人定鼎還

先帝千年正紫宸

哭陶侍御

伏柱稱仙吏彈冠即諍臣逢時隨八彥攬轡屬東巡  
抗疏惟安漢危言屢借秦寵光回造化正色上星辰

夢已摧高翼，災非批逆鱗。孤臺遙向夜，五柳黯傷春。  
白鶴還來客，青驄豈避人。朝廷存折檻，道路指埋輪。  
擊隼才何健，神羊氣不馴。分陰空自惜，浮世轉難陳。  
風裁登車罷，霜華挂劍新。羣鳥哀就老，列栢采爲薪。  
鬱鬱匡君意，飄飄出使身。廬山彭澤外，落日九江濱。

哭公實六首

逝矣梁公實，清時隱漢關。扁舟浮大海，健筆誌名山。  
豈悟風沅盡，猶言洗沐還。文章憎白髮，服食誤紅顏。  
禪草來天上，玄經出世間。縱爲華表鶴，羽翮已難攀。

其一

客有燕山至，傳君喪海隅。含香情不厭，辟穀事還迂。  
詞翰家長技，經綸國大儒。天心曾爾輩，雪涕自吾徒。  
精氣乘朱鳥，浮生過白駒。所悲無舊物，此道失前驅。

其三

嘗沈其爾崇，單闕乃爲災。偃蹇非關病，文章未盡才。  
他人紛項領，之子渺塵埃。白日中原墮，高秋大海迴。  
自逢雙鶴至，誰叱五羊來。欲挂延陵劍，風雷不可開。

其四

一虛郎署問，竟負帝鄉期。此日名堪定，千秋事可知。  
賦寧爲異物，人已不同時。垂白君應妬，還丹我自疑。

素裝高卧盡椎結舊遊悲坐識藏舟理行令荷鋪隨  
其五

從此微言絕何當大夢醒人間矜意氣地下鬪精靈  
虛室還生白遺編竟殺青浮名流景過夫子望秋零  
同舍悲離索投詩哭杳冥山陽風雨夜隣笛未堪聽

其六

嶺南秋慘淡海上日蕭森不王衣冠氣云亡雅頌音  
操斤臣質少題柱

主恩深此物何陵替斯人乃陸沈衆方疲道路爾欲  
久山林所以生芻贈終難託素心

郡齋同元美賦得高字

風塵如昨日千里得同袍秋色隨佳句浮名避濁醪  
故人滄海遠使者白雲高小郡常懸榻君家自佩刀  
飛揚鞭弭約慘淡簿書勞別後看多士元龍未似豪

宿華頂玉井樓二首

玉井通溟海朱樓冠削成波傳潮湧到檻接斗牛平  
虎魄侵燈出蓮花傍枕生拂盆雲髮暗映掌月珠明  
犯座人間象浮槎世上情不愁更漏絕石鼓自能鳴

其二

不寐芙蓉冷幽棲薜荔驚靈胡秋具顛顛毛女夜妖精

暗穴龍蛇走深林虎豹耕星連碁石布雨共洗盆傾  
霜絕千尋鎖風邀五舌笙豈因臨帝座呼吸變陰晴  
冬日王給事出示許中丞苦熱詩卷

最秀中丞句尤奇苦熱篇開函迴白雪展卷失寒天  
硯石猶堪礫壺冰豈自堅蠹魚冬不蟄螢火夜應然  
才是洪鑪縱名將汗簡傳歌來探綵扇寫罷撤青氈  
藻筆還生色雲箋更雜烟五言如挾纊一字解纏綿  
病暍南風後魂銷大雅前霜臺三十載就日片心懸

和殿卿咏梅篇

忽報探梅句深知水部賢空梁沅溪月寒色動江天

影落青樽裏花生綵筆前新妝紫素練白雪洒繁弦  
南國書堪寄春風病獨憐更慚清思減不及兔園篇  
爲魏順甫送黃生歸楚

太守高齋客時名豈易同六朝相上下五馬共西東  
非土悲王粲通家賴孔融登臨存勝蹟坐嘯挹清風  
四塞黃河險三峯日觀雄楚才元自老郢曲本難工  
裂素題班篋裁繻謁漢宮歸堪吞夢澤卧合起隆中  
雨雪綿袍暗江湖劍氣空武昌魚正美彈鋏意何窮  
送魏樸如孝廉省試時使君上計與偕

朝宗方岳入問寢孝廉行經術俱高第傳家接大名

雲霄雄北上事業壯南征奕世和戎策江湖戀闕情  
一毛隨鳳集合浦讓珠明物色燕常滿人才楚至精  
千金圖五馬片玉抵連城績奏龔繩直辭令樂鏡清  
賜車郎署羨奪錦士林榮計吏承憂下文場得雋鳴  
召翁今乃父丙相昔同聲會使臨軒日風流動漢京  
再上殷少宰誦德述懷

弱冠登高第詞林擁重名兩朝廷侍從空冀定諸生  
身自宮僚備親看國史行稍遷猶八座加授即孤卿  
不盡兼曹美長餘列署清文章關王氣儒術定家聲  
羽翼衝天就波瀾赴海成見知同筆研記憶控銓衡

鷄胎才華薄羊裘物色輕人應疑畫餅君但入調羹  
北斗如相照南山亦至情少微雖冗宿同向掖垣朋

天官殷少宰程淑人輓歌

弱歲徵箕帚童年託舅姑餘光東壁駐慈色北堂敷  
裘褐雲霄度蘋蘩日月徂國香堪是夢閨秀豈爲芻  
零露晞金掌清冰涸玉壺珠沈知旁斗弦斷憶將雛  
鳳逝泥書暗鸞銷水鏡孤繪帷含藻落彤管帶花枯  
作楫君能事藏舟妾敢誣網蟲遺挂在羅雀外家無  
雜佩傳淒響殘機激壯圖乳糜疑自愛琴瑟訝相扶  
兩鵠云當復三魚兆已符客悲來白鶴帝龍會青鳥

河漢深難越。天門近可呼。精靈成婺彩。千古照皇都。

重送張閩使

將才君自有。儒術衆誰如。廷對諸生策。家傳孺子書。  
百蠻麾下出。兩浙閩中居。故事單醪在。流言二卯虛。  
名應銅柱上。身是玉關餘。拊髀方今日。君恩未可疏。

夏日張茂才見枉林園

二首

殘書開積雨。高枕對重林。非爾乘幽興。無人惠好音。  
分寧鷄黍薄。交自布衣深。不改青松色。堪知白雪心。  
諸生貧嗜酒。多病老抽簪。何必論丘壑。金門總陸沈。

其二

當時河朔飲。未必勝陶家。古井層陰合。虛亭落景斜。  
敲碁來凍雨。散帙映明霞。樹轉雙文鳥。盤浮五色瓜。  
清談開暑氣。白髮瑩冰華。更有忘憂草。能回隱士車。

答潘仲子和贈張茂才見枉林園之作

似解滄洲趣。因傳白雪聲。時才方上下。秋興獨縱橫。  
車馬分交態。林園斷世情。名寧花萼重。句自薜蘿清。  
弱冠推高第。雄飛失後生。二毛知老筆。三抱見連城。  
業已深移疾。閒仍事耦耕。有君堪倒屣。一爲款柴荆。

夏日龔生過白泉精舍索贈

本自巖扉客承家事耦耕中年歸卒業壯歲託論兵  
身賁儒流貴心疑俠氣輕垂成看一第良久遜諸生  
狗曲羣爲詬毛詩獨著名貧終諳世味老益見交情  
伏臘書相勞寒溫酒數行白泉鍾乳色黃鳥竊脂聲  
彩電投壺出疎星對局明即知河朔會夙昔已縱橫

答報顧中翰

政本趨陪地身隨宰相行兩房深侍從三殿雅知名  
染翰宮雲溫兼銜掌露清與聞鍾五字同病沈雙聲  
何意乘槎客能憐伏枕生投詩迴俗態把酒說交情  
敢謂龍門峻難霑鳳沼榮華陽今夜月醉眼爲君明

初抵浙中感遇一首呈馬丈

冀北登車日淮陽卧閣年檐帷非不散舞袖竟難旋  
一顧堪千里羣疑託二天門生高自出屬吏拙相憐  
紫氣臨関動文星傍斗懸樵漁歸計穩犬馬受知偏  
物色中原起封章上國傳江湖餘壯觀風俗美多賢  
下榻時名盡分庭客禮全隋珠如片月長在報恩前

贈陸膳部

清覽三臺上名家四姓前累朝霖雨望羣從聚星賢  
北斗尚書府南宮視草年秩宗周典禮膳部漢常員  
官屬青雲氏才高白雪篇微言黃絹在美節素絲傳

筆綵生春署蘭薰握近天明光寧再入空此羨神仙  
貞石篇爲吳比部賦

砥柱高王室磐宗壯帝京支機河漢迥浮磬泗濱清  
孺子兵書號郎官水鏡名一鞭皆至海三獻即連城  
絕學驅羊起群疑伏虎生梧臺深自饗司寇雅稱平  
磊落披雲氣馮陵轉壑聲雄藩隆岳佐華省映星精  
文陛含香入巖廊草奏行綵毫常五色何限補天情

與子與游靈隱寺吳馬諸公同賦

片雨挂龍泓清風嘯虎林海浮西域至江插洞天深  
小嶺將遙集名山豈陸沈地靈聞水樂岫隱見雲心

金粟寒應結香爐迥自陰藤蘿褰窈窕臺殿倚蕭森  
石笋高搖筆蓮花淨盃簪何須懷謝客俱解越中吟



